

درسمادنده باب عالی جوارنده
اداره مخصوصه

محل ادره :

مشرق افق

اخطار :

مسلكمزه موافق آثار جديد مع المنوئيه
قبول اولنور
درج ايدلمين آثار اعاده اولنور

دين ، فلسفه ، حقوق ، ادبياتدن و سياسياتدن وبالخاصه كرك سياسى و كرك اجتماعى و مدنى احوال و شئون اسلاميه دن
بحث ايدر و هفته ده بر دفعه نشر اولنور

درسمادنده نسخه سى ۵۰ پاره در

صاحب و مؤسلى :
ابواللا زين العابدين — ح ، اشرف اديب
آبونه بدلى

تاريخ تأسيسى

۱۰ تموز ۳۲۴

قيله دن مقوا بورو ايله كوندريلاير سه سنوى
۲۰ غروش فضله آلنير

سنه لى	اللى يلقى	غروش
ممالك عثمانيه ايچون ۸۰	۴۰	غروش
روسيه ايچون ۶۰	۳۰	روبله
سائر ممالك اجنبية ايچون ۱۷	۹	فرائق

عدد : ۵۸

۲۹ رمضان ابارك ۳۲۷ پنجشنبه ۱ تشرين اول ۳۲۵

اوچنچى جلد

وقاعدیه مستثنای دینش اولمایور . علت صحت و صحت دینش اولمایور هم دهلسانک کیدشی بوسه نظر دین سیلکینه چکی امید استیردجک حالدده . چونکه بو کون (برافیر) کبی بعض کلهلرک قافله تلفظی ، قافله تحریری دایا ظریف کورونور .

قاف حرکتی دیکنده غین اولمايجه ، تاحرکه لجه دال ارمق ، (ج) حرکه لجه (ج) اولمق ، کاف عربی حرکه لجه کاف فارسی ارمق کبی شیلرده یا بوتون بوتون قالقار .. یامستثنای دیه کوسته ریلیر .

مستثنای قاعده ، قاعده یی مستثنای قبول ایتک خطادر . بوتون مستثنای کوردیکمز بو حال کیم بیلیر ناصیل بر مناسب تسرلکدن میدانه کلشدر . لسانک هاند ، بر جهتنده اولیه قاعده دن فرار ، قاعده یی عصیان حالی یوق ایکن بزم درایتسرلکمز یوزندن بعضی یرنده قیریق چیقیق ، اینجینک کبی عارضه لر ظهور ایتشدر . مثلاً ضمیرلرک مفعول الیه حالاری بو جمله دندر . نیچون (بنه) ، (سنه) ، (اویه) ویا (اونه) صحیح شکلری بر اقیلوبده (بکا) ، (سکا) ، (آکا) بوزوق شکلری رواج بولمشدر ؟ بو صرف بزم قصور مزله اولمشدر . لسانک آناسنده مفعول الیه اداتی (ه) یرنده (که) و (غه) ایش مثلاً (استابوله) یرنده (استابوله) دینیرمش . بویه جه (بن) ک بو حالی (بن که) ، (بن غه) ایش .. دیرکن نون اوچوب میدانه بر صاغیر کاف چیقمش ، (بن که) شکلی (بکا) اولو ویرمش . آرقداش لری ده بویه .

تورکجه نیک فعللرندکی نظام بر لسانده کورولمه مش بر نظامدر . فعللرده کی (اصل معنا) ، (زمان) ، (و) (شخص) عنصرلری قواعد نامه لرده هیچ ده ایی کوسته رله مشدر . مثلاً (کل) فعلی آله لم . بونده بر اصل معنا (کله) وار . بونک عنصری فعلک باشنده بولنور . بوندن صکره زمان عنصری مثلاً (دی) وار ، بوده اصل معنا عنصرندن صوکره کلیر . بوندن صوکره ، اک صوکرده شخص عنصری مثلاً (م کلیر) (کل - دی - م) کبی . بوهان هر فیلده بویه ... متعديک مجهولک ، مطاوعک ، مشارککک ، منفیلک کبی حالاری عنصرلری ده هب بویه منتظم و تنسیقه قابل . بو نظام ، بو انسجام کتابده کوزلجه کوسته رله لی ، دیکلی ؟

صوکره فعللرک صیغه لری .. ماضی شهودی لری ، ماضی نقلی ، مضارع حال ، مستقبل ، الزامی ، وجوبی ، شرطی ، امر آرزوق بوزوله رق اکسیک آرتیق اوله رق یازیلنور . بک چوق قواعد نامه لرده امر صیغه سی ، امر غائب ، امر حاضر ، حتی نهی غائب ، نهی حاضر دیه طاغیتل مشدر .

کونش غزته سی و فله اهالی اسلامیه سی

فله ده ، برمدتن بری دین اسلام علیهنده نشر اولنان کونش غزته سنک نسخ اخیرهنده صیامک فرض اولدیغنه و صلاتک بی فائده ایدوکنه دائر وقوع بولان نشر یانندن فله اهالی اسلامیه سی غلیانه کلهلرک کچن جمعه ایرتسی کونی اقشامی تراویح نمازندن صوکره جامع

کیرده . راجتماع عمومی عقد ایشلردر .
بو اجتماعده احمد راغب بک طرفدن مؤثر بر نطق ایراد اوله رق و اسلامیتک علویتندن و نشریات واقع نک دین مبین اسلام حقند بر کونا تأثیر اجرا ایدهمیوب علویت باهره سی بوکون دکل یالکیز بودین ایله مبشر اولانلرک ، حتی ادیان سائر دیه سالک اولان علما و حکمای غربک بیه مظهر تقدیری اولدیغندن بلغارستان و تخصیص فله اهالی اسلامیه سنک مسلم اولان صلابت دینی و متانت اخلاقیه سی جهتیله بویه بر هذیان نامه یی الیه آلوب او قومغه تنزل ایدمک بر فردک وجودی تصور ایلدیکندن بجهتله بلغارستانده ساکن آلتی یوز سیک اهل اسلامک دیاتلرینه و قناعت وجدانیه لرینه علنی بر تعرض و حقارتده بولنان مذکور غزته نک منع انتشاری ضمننده بلغارستان حکومتی نزدنده هان مشترکاً تشبثات لازمه ده بولملری اخطار اولمشدر . بونک اوزرینه بوبنده اجرایی لازمکن تشبثاتک صورت ایفای مذاکره اولمشدر . بلغار رجال حکومتک اهالی اسلامیه نک دیانتیه علناً تعرض و حقارتده بولنان (کونش) غزته سی کبی بر هذیان مه نک تعطیل نشریاتی حقند ، بالعموم اهالی مسلمنه طرفندن واقع اولان مراجعتی اعاف خصوصنده تردد کوسترمیه چکندن امینر .

مخبره دینه

اطنه دن اداره خانه مزه تلفراف کشیده ایدن

اخوان دینه :

بین العناصر شایق و نفاق موجب اوله جق و ماضیده کی آجیقلی خاطره لری یاده کت مک نشریاتندن - محق اولسه بیه - متحاشی بولنور و وطن عزیزک سلامتی بو نقطه ده کوره رک تعارض ایدن ایکی مفسدتن اخفی بالارتکاب اعظمکن چاره سنه باقیورز .

من طرف الله متمحن اولدیغکز شو مصائبه قارشى مملکتک بو صرارده هرشیدن زیاده محتاج بولندی سگون و سکوتی تأمیناً صبر و تحمل کوسترمه کزی حمیت و غیرت اسلامیه کزدن امید وانتظار ایدر و مفصل و سوزشلی تلغرا نامه کزی درج ایتماک خصوصنده اختیار ایلدیکنمز مؤلم وظیفه نک بزم ایچون دخی نه درجه لرد ، طاقتسوز بولندیغنی تقدیر ایدمک کزی امید ایلرز . مع مافیه تلغرافنامه کزک بر صورتی داخلیه نظارتنه تقدیم ایدلشدر . ایجابات معدنک تمامی اجرا سنه قایشه جه اهتمام تام کوسترلمکده اولدیغندن مغدوریتیه میدان ویرلیه چکی امیدندیز .

سلانیکدن (اسلامیه طوغرو) سرلوحه لی و تکفور طاغندن لسان حقنده مقاله لر کوندن ذواته : - مقالات علیه لری مع التأسف هر نصلسه ضایع اولدیغندن بر صورتلرینک کوندلرلسی رجا اولنور .

مدیر مسئول : اشرف ادیب

آمدی
مطبعه